

Gipahiuli ang mga Yawe sa Pagkapari sa Templo sa Kirtland

Kalihokan sa Pagtuon A

DOKTRINA UG MGA PAKIGSAAD 110:11

Gipahiuli ni Moises ang mga yawe sa “pagpundok sa Israel” (Doktrina ug mga Pakigsaad 110:11). Ang mga yawe sa pagpundok naghatag og awtoridad niadtong mga naggunit niini nga awtoridad sa pagsangyaw sa napahiuli nga ebanghelyo ni Jesukristo sa mga nasod sa yuta.

Si Presidente Russell M. Nelson mipahayag:



Kon maghisgot kita sa pagpundok sa Israel sa duha ka habig sa tabil, naghigot kita, siyempre, sa buhat sa misyonaryo, templo, ug family history. Naghigot usab kita sa paglig-on sa pagtuo ug pagpamatuod diha sa mga kasingkasing niadtong kauban nato sa pagpuyo, pagtrabaho, ug pagserbisyo. (Russell M. Nelson, “Ipatigbabaw ang Dios Labaw sa Tanan,” *Liahona*, Nob. 2020, 92)

- Sa unsang paagi ka makatabang aron mouswag ang hugot nga pagtuo ug pagpamatuod diha sa mga kasingkasing niadtong makauban nimo matag adlaw?
- Sa unsang paagi ang imong kinabuhi o kinabuhi niadtong imong kaila naimpluwensiyahan sa Ginoo sa pagtabang kanato pinaagi sa misyonaryo nga buhat?

Kalihokan sa Pagtuon B

DOKTRINA UG MGA PAKIGSAAD 110:12

Gihatag ni Elias ang dispensasyon sa ebanghelyo ni Abraham (tan-awa sa Doktrina ug mga Pakigsaad 110:12). Apil ani ang pagpahiuli sa pakigsaad ni Abraham.

Si Presidente Russell M. Nelson mipasabot:



Ang pakigsaad nga gihimo sa Dios uban kang Abraham . . . naglangkob og daghang mga saad, lakip ang . . . ang tanang kanasoran sa yuta mapanalanginan sa iyang binhi. . . .

. . . Atong nadawat, sama kanila sa karaan, ang balaang pagkapari ug ang mahangtorong ebanghelyo. Kita adunay katungod sa pagdawat sa kahingpitan sa ebanghelyo, pagpahimulos sa mga panalangin sa pagkapari, ug pagpakasawat sa labing dako nga panalangin sa Dios—kana mao ang kinabuhing walay kataposan. (Russell M. Nelson, “Mga Pakigsaad,” *Liahona*, Nob. 2011, 87–88)

- Unsa ang pipila ka paagi nga gipanalanginan sa Ginoo ang mga indibiduwal, mga pamilya, ug mga nasod pinaagi sa Iyang ebanghelyo ug Iyang pagkapari?
- Unsang mga panalangin gikan sa Ginoo ang imong nasinati pinaagi sa Iyang ebanghelyo ug sa Iyang pagkapari?